

Zeitschrift: Il glogn : calender dil pievel : annalas per historia, litteratura e cultura romontscha

Band: 16 (1942)

Vorwort: Al lectur!

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

Al lectur!

Sco jeu hai udiu tscheu e leu orda miez nossa puraglia sursilvana, han ils Glogns de 1940 e 1941 plaschiu e cuntentau generalmein. Quella ren-cunaschientscha, ch'ei en sesez la pli gronda pagaglia per quel che scriva e redegia il cudisch dil pievel, ha dau a mi alas. In tal engraziament per mias breigias davart nies carezau pievel della Part sura, ha danovamein nutriu mia pissiun de luvrar e prestar tut quei che schai en mias fleivlas forzas per nossa carezada puraglia sursilvana. Jeu sun semess immediat vid la lavur ed hai projectau e planisau ulteriurs Glogns de tempra purila populara. Ediziuns de tala tempra unificada, q. v. d. ediziuns, che tracteschan in tema en tuts ses detagls e da plirs pugns de vesta anora pretendan temps, studi, stentas e lavurs. Hagies perquei empau pazienza. In di vegn jeu cun quels.

Ch'il Glogn 1942 ha buca quella tempra expressiva sco ils precedents, han ils lecturs de nies cudisch dil pievel d'engraziar ad ina partida mattauns e dunnauns, che vulan dispet ch'il redactur dil Glogn scrivi puspei ina historia pli liunga. Tgei hai jeu vuliu far auter, che ceder ina ga a nossas femnas. Basta, en cass ch'il Glogn d'uonn plai buc a tuts, sche fagei o la petta cun nossas mattauns e dunnauns! Jeu sundel buca poet; quei sa mintga scribent e litterat romontsch. A mi han ei era detg quei, beinenqual ga, en fatscha e davos dies — ed a vus, cars lecturs e lecturas, vegnan ei era a mussar si quei in di. Denton seigi sco' i vegli: Vus haveis vuliu, ch'jeu raquenti in' historia. Sche tadlei pia. Plai ella? Ton meglier per vus! Displai ella? Ton meglier per mei! En gliez cass scheis vus cun-bien mei sil devegnir.

Ed ussa stei cun Diu e stei era fideivels al Glogn, malgrad l'uiara e la miseria materiala. La finfinala viva il carstgaun buca mo dil paun; il spért e surtut il cor ston era haver il lur. — Salids cordials a tut ils fideivels lecturs dil Glogn.

La redacziun.